



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐՈՒԹՅՈՒՆ

ՀՐԱՄԱՆ N 432-Ա «29» 10.10թ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՏՎԱՎՈՐ ԿՈՉՈՒՄՆԵՐԻ ՇՆՈՐՀՄԱՆ
ՆԵՐԿԱՅԱՑՆԵԼՈՒ ՆԵՐՔԻՆ ԸՆՏՐՈՒԹՅԱՆ ԸՆԹԱՑԱԿԱՐԳԸ ՀԱՍՏԱՏԵԼՈՒ ԵՎ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄՇԱԿՈՒՅԹԻ ՆԱԽԱՐԱՐԻ 2010 ԹՎԱԿԱՆԻ
ՀՈԿՏԵՄԲԵՐԻ 15-Ի N 689-Ա ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով <<Իրավական ակտերի մասին>> Հայաստանի
Հանրապետության օրենքի 70-րդ հոդվածի 5-րդ մասի և Հայաստանի
Հանրապետության վարչապետի 2010 թվականի հունիսի 30-ի N 490-Ա որոշմամբ
հաստատված հավելվածի 7-րդ կետի պահանջներով՝

ՀՐԱՄԱՅՈՒՄ ԵՄ

1. Հաստատել՝

1) Հայաստանի Հանրապետության պատվավոր կոչումների շնորհման
ներկայացնելու ներքին ընտրության ընթացակարգը՝ համաձայն N 1 հավելվածի.

2) Հայաստանի Հանրապետության պատվավոր կոչում շնորհելու մասին
առաջարկության ձևը՝ համաձայն N 2 հավելվածի:

2. Ուժը կորցրած ճանաչել Հայաստանի Հանրապետության մշակույթի
նախարարի 2010 թվականի հոկտեմբերի 15-ի <<Հայաստանի Հանրապետության
պատվավոր կոչումների շնորհման ներկայացնելու ընտրության ներքին
ընթացակարգը հաստատելու մասին>> N 689-Ա հրամանը:

3. Սույն հրամանի կատարման պատասխանատվությունը դնել
նախարարության աշխատակազմի ժամանակակից արվեստի վարչության պետի
վրա:


4. Սույն հրամանի կատարման հսկողությունը վերապահել նախարարին:

Նախարար՝



Հ. ՊՈՂՈՍՅԱՆ

Հավելված N 1
ՀՀ մշակույթի նախարարի
2010 թ. հոկտեմբերի 24-ի
N 220-Ն հրամանի



ԸՆԹԱՑԱԿԱՐԳ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՏՎԱԿՈՐ ԿՈՉՈՒՄՆԵՐԻ ՇՆՈՐՀՄԱՆ ՆԵՐԿԱՅԱՑՆԵԼՈՒ ՆԵՐՔԻՆ ԸՆՏՐՈՒԹՅԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգը սահմանում է մշակույթի և արվեստի բնագավառներում Հայաստանի Հանրապետության պատվավոր կոչումների շնորհման մասին ՀՀ մշակույթի նախարարության (այսուհետ՝ նախարարություն) առաջարկությունների ներկայացման և նախարարության աշխատակազմում (այսուհետ՝ աշխատակազմ) դրանց քննարկման կարգը և ժամկետները:

2. Սույն ընթացակարգով սահմանված գործընթացն իրականացվում է աշխատակազմի տվյալ ոլորտը համակարգող կառուցվածքային ստորաբաժանման՝ ժամանակակից արվեստի վարչության (այսուհետ՝ վարչություն) կողմից:

3. Սույն ընթացակարգով սահմանված գործընթացի փաստաթղթաշրջանառությունը կարգավորվում է ՀՀ մշակույթի նախարարի (այսուհետ՝ նախարար) 2010 թվականի մայիսի 3-ի <<Հայաստանի Հանրապետության մշակույթի նախարարության գործառնության կարգը հաստատելու մասին>> N 220 -Ն հրամանով հաստատված կարգով:

II. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

4. Հայաստանի Հանրապետության պատվավոր կոչումների (այսուհետ՝ կոչումներ) շնորհման մասին առաջարկությունների և դրանց կից փաթեթի ներկայացման համար ժամկետներ չեն սահմանվում:

5. Կոչումների շնորհման մասին առաջարկություններ կարող են ներկայացնել ՀՀ գերատեսչությունները, ստեղծագործական միությունները, մշակութային կազմակերպությունները և նախարարության աշխատակազմը:

6. Նախարարություն մուտքագրված Հայաստանի Հանրապետության պատվավոր կոչումների շնորհման մասին յուրաքանչյուր առաջարկություն նախարարի գրավոր հանձնարարությամբ տրվում է վարչությանը:

7. Հայաստանի Հանրապետության պատվավոր կոչում շնորհելու մասին առաջարկությանը կից ներկայացվում են հետևյալ փաստաթղթերը՝

1) երկու միջնորդագիր-երաշխավորագիր մշակույթի և արվեստի բնագավառներում ակնառու վաստակ ունեցող գործիչների կամ Հայաստանի Հանրապետության ժողովրդական արտիստների կողմից,


2) ինքնակենսագրություն:

8. Վարչությունը ուսումնասիրում է ներկայացված առաջարկությունները, ամփոփում և կազմում պատվավոր կոչումների թեկնածուների ցանկ՝ հաշվի առնելով մշակույթի և արվեստի ասպարեզների զարգացման և տարածման գործում թեկնածուների ունեցած ներդրման նշանակալիությունը, ստեղծագործող սերնդի դաստիարակության գործում ունեցած բացառիկ վաստակը, տվյալ բնագավառում ցուցաբերած վարպետությունը, արժեքավոր գործեր ստեղծելը, համընդհանուր ճանաչում ունենալը: Ցանկը կազմելիս վարչությունը կազմակերպում է քննարկումներ նախարարի տեղակալի մասնակցությամբ՝ անհրաժեշտության դեպքում ներգրավելով մշակույթի բնագավառի անվանի գործիչների:

9. Ցանկը կազմվում է տարեկան երկու անգամ և նախարարի համաձայնեցմանն է ներկայացվում համապատասխանաբար մինչև մարտի վերջը և հուլիսի վերջը:

համաձայն 10. Նախարարի համաձայնությունը ստանալուց հետո՝ չորս աշխատանքային օրվա ընթացքում, վարչությունը նախապատրաստում է համապատասխան գրության նախագիծ, ինչպես նաև պատվավոր կոչում շնորհելու մասին առաջարկությունների թերթիկներ (ձևը սահմանված է սույն հրամանի N 2 հավելվածով) ցանկում ընդգրկված յուրաքանչյուր թեկնածուի վերաբերյալ և ներկայացնում նախարարի հաստատմանը:

11. Գրությունը և կից փաստաթղթերը նախարարի կողմից ստորագրվելուց հետո ոչ ուշ, քան տվյալ տարվա ապրիլի 28-ը (մայիսի 28-ի՝ Հանրապետության տոնի առթիվ) և օգոստոսի 21-ը (սեպտեմբերի 21-ի՝ Անկախության տոնի առթիվ) ներկայացվում է Հայաստանի Հանրապետության Կառավարության աշխատակազմ՝ կցելով Հայաստանի Հանրապետության պատվավոր կոչումների հավակնորդների ցանկերի և անձնական գործերի փաստաթղթերի փաթեթները (ինքնակենսագրություն, 2 միջնորդագիր-երաշխավորագիր, պատվավոր կոչում շնորհելու մասին առաջարկությունների թերթիկ):



Ձև

Հայաստանի Հանրապետության պատվավոր կոչում
շնորհելու մասին առաջարկության

ՀՀ մշակույթի նախարարություն _____

Առաջարկում ենք _____

(շնորհման ներկայացված անձի անունը, հայրանունը, ազգանունը)

Ծննդյան թիվը, ամիսը, ամսաթիվը _____

Ծննդյան վայրը _____

Սեռը _____ ազգությունը _____ քաղաքացիությունը _____

Կրթությունը (երբևէ ուսումնական հաստատությունն է ավարտել) _____

Երբևէ ինչպիսի պետական պարգևներով է պարգևատրվել _____

Աշխատանքի վայրը և պաշտոնը _____

Կոչումը (գիտական, զինվորական և այլն) _____

Տեղեկություններ աշխատանքային գործունեության մասին

Ընտանեկան դրությունը _____

Հասցեն _____

Այլ տվյալներ _____

Շնորհել _____

(ՀՀ պատվավոր կոչման անվանումը)

ՀՀ մշակույթի նախարար՝